


ASANCHIRA IBIRI



AREIXOWA NCHIRA

Mwa mango amundu aya ahandu hatechibwe, anaira ni abutsa nchira ya retsukamo. Hanyuma amundu ni yaenda na mesha ni matgsene kushe. Na mwa mango axunga ku amehabuka, ni afuluka iranyuma chuba kwexonda kandi anchira yoikwirire.

Buli lwire mwa buingo bwetu bwa kwa kihuo kino, atuenda luendo lwa butsira ntsindiro. Aluendo'lo lutangalinda lwahinga ihikira lwire lotubahikamo iyo yotuya. Wichi yotuya?

YESU YATUBWEREKYA ANCHIRA

Ongo mwa ntsii yiwe na mwa muisha uwe mungi, atuhere yatubwerekya nchira yetu. ABibuliya kyo kindu kya retubwerekya nchira, kushe ya reya mu mbingu. Abitabo byobyameaxwaha, bitokire mwa kitabo kino, “Akinwa kyawe retala ra bishando byani, na kyaka kya mwa nchira yani.” Saburi 119:105.

ANCHIRA NGALI

Mwa nchiro'mo muli bandu bangi. "Alukyo luali na nchira ngali yoiire yi luhero, hali bandu bangi bobaingira amo." (Mt 7:13). Muli baendiendi bangi bobatsuka mwa nchiro'mo.

Bangi mwa baendiendi abo, amesha mabo matsibitse. Batechi ku abatsuka mu nchira yoiire yi luhero. Wetuwe batalaire ku ibyo. "Halimo nchira yoinaxungwa ku itunganene mwa mesha ma mundu, wetuwe anchira iyo antsindiro yayo ni alupfu." (Miani 14:12). Aongo wa kianiro kino (Shitani) amehumya bwenge bwa bandu bobatgaimirire. (2 Kor 4:4).

AMITSIO

Abandu bobatsuka mwa nchiro'mo bahekire mitsio mitsito ya ntsambi. "Kubwishi aboshe bakolire ntsambi ni yobabanehangirwa ngulu ya Ongo." (Rom 3:23). Tutangaala ibisha kiro na ntsambi nguma mwa mbere sa Ongo. Amundu anasindera ku byobilangala mwa mesha mewe, wetuwe Ninakuwetu analola mwa mwete. (1 Sam 16:7). Amitsio ishanirirwe mwa muongo wabo. Tutangaala iitosako kiro na muuma mwa nyiki setu. Kwa kishangi akitsuka, kw'abutsito bwa mitsio iyo nayo abuongerera. "Aluhembo lwa ntsambi ni alupfu." (Rom 6:23).

AKISHERYA

Akisherya kyokichapirwe mwa tabulo kyokibwerekya lubancha lwa Ongo. Abandu babikirirwe ipfa iumaho, na hanyuma ni hahika alubancha. (Eb 9:27). "Nianinaxunga kipfumbi kinene kya mweru, na yabaa aikere kukyo ... Nianinaxunga abapfu, bakuukulu na balere ni baimenge mwa mbere sa kipfumbi kya bwami. Abitabo niabinaboholwa. Na kindi kitabo niakinaboholwa ni kyo kitgabo kya buingo. Na bapfu niabanachirwa lubancha nga kwa mikolere yabo iri, kweimitsanya na byobiandikirwe mwa bitabo ibyo ... Mundu woshewoshe yataandikirwe mwa kitabo kya buingo, ni alekerwe mwe'riba ra muliro." (Xwikulo 20:11,12,15).

AMULIRO

Ongo akomire ne'tunganana. Kyokituma antsambi ni inashushire ihabwa malipisi. Akinwa kya Ongo akitubwira mbu hanali handu haumaho haminubo ya biro byoshe yendeba, yoyabikirirwe bobagtenguha Ongo. Mwa Bibuliya muandikifirwe mbu, "Ababi abaerekera mwa bwikalo bwa bapfu. Asanganda soshe sosiibirira Ongo." (Saburi 9:18). Litebula mbu ababi kutsibu bobakendeya ahandu aho. Na bobaibirira Ongo nabo bendehika ahandu aho. Wetuwe Ongo naye, Ongo wa ntsii yataxonda mbu habe mundu yahera, wetuwe yaxonda mbu abandu baikiritse asantsambi sabo. (2 Pet 3:9). Mwa muisha uwe na mwa ntsii yiwe yetali na ntsindiro, mwakolaa nchira ya rekenga ahandu haminubo iri ya biro byoshe. Anchira iyo yo nchira bandu boshe sabashushire itsuka muyo mwa kuli. Ushashire itsuka mwa nchira ya buingo bwa biro byoshe?

ANCHIRA YA BUINGO: AMUUFUTSI

Ngakuno kotutangaala mwa nyiki setu twenabene iibohola mwa ntsambi setu na mwa malipisi mato, Ongo Tata aotwere ikola buufulo. Atumire Muala wa kyusha, Yesu Kiristu, kwa kihuo. "Ongo atsiiraa kihuo, nianamoleka aMwna Uwe wa kyusha, kwebula mbu, mundu woshe woshe yakamuimirira ni atihere, wetuwe ni abana na buingo bwa biro byoshe." (Yoh 3:16). Amuufutsi uyo nianabaho tikuno mundu alire biryo. Wetuwe amunduyo atatamgire akola ntsambi. Abaa anatoka handu ni aya handi, ni akola kubuya, ni afumya makoni, ni ahotsa babentsi, ni ahentsa abixwatsi, ni ashashira abakotsi ba santsambi, ni aiisa aluanda nehubiri aMwatsi Mubuya wa Bwami bwa Ongo.

Wetuwe amuanikire uwe munene watumaa abinduka mundu, abaa ni warepfira tweboshe. Amolekaa abuingo buwe bobukomire, nepfubula ashiana yiwe ya kichiro kinene kwa musalaba

kwetengya santsambi setu. Nianaitereka mwa minwe sa bandu ba santsambi, babanemukubita, ihikira luero lweuchutsa muongo uwe yomisarabantsi ya mihumbo, na bihulu bya maana byobixoxobokamo shiama. Babanetereka ntsita ya mahwa kwa mutwe. Batsinda mw'itobola asaminwe na bishando mu misumari ne'mukongomeretsa kwa musalaba. Naho, niananuba nepfa kubwishi bwawe nani. Iye yewene yahekaa santsambi setu mwa mubiri uwe kwa musalaba ... (1 Pet 2:24).

AREPFUKA RA YESU

Abere ametsukya biro bishatu mwe'sinda, Yesu Kirisitu nianapfuka mwa bapfu. Nianatamba ne'shambala na bemitsa bewe mu kianiro kya biro makumiane. Inyuma ku aho nianauruka mu mbingu Ne'y ye'kere kwa malyo ma Ongo. Iye ye Muufutsi aliho, "Iye yahabwaa maala moshe ma mu mbingu na ma kwa kihuo." (Mat 28:18). Na kubwishi bwekyo anaufula kushe bobanapfunda ho Ongo ali mu Yesu, yaliho abiro byoshe kwehemerabo. (Ebur 7:25).

AMBINGU

Ambingu ho handu Ongo anaikala mwa ngulu iwe yoshe. Ninakuwetu Yesu abulaa mbu, "Naya ibakolera buali. Na mwa mango nikendeiendera, na nendeba namebakolera buali ni nafulukana ibabinga ni mwaenda kuuma nani, kwe'bula mbu aho honiri nemwe ni mwabaho." (Yoh 14:2-3).

Ahandu ho Yesu endebamo hakwirire kushe, ne'yo hatikyendeba kiriro na milake, neri bwaale kureba abindu bibere byametsuka. (Xwikulo 21:4). "Itikyendeba kiro na mwitsimya kandi, iyo itendeba mundu yalaa ku kyaka kye'tala neri kye'tsuba, kureba Ninakuwetu Ongo enderekoletsabo." (Xwikulo 22:5).

Ahandu aho hahotsibwe kutsibu. "Hatibaingire kindu kihalire, neri mundu yakola bubi na bubesi. Umu mukanendeingiraho bobaandikwaa mwa kitabo kya buingo kya Kyana kya Mbuli." (Xwikulo 21:27).

Wetuwe hanatula nchira ngumaho ya reya mu mbingu. Ninakuwetu Yesu abulaa mbu, "Ingye niri nchira, na kuli na buingo. Hatali mundu yangahika iramwa Tata ali atatsukire mw'ingye." (Yoh 14:6). Mutali buufulo mu undi mundu, kureba hetako wa mbingu hatali lindi itsina rolingafulwamo abandu lirengitse aretsina ra Yesuho lhyonalyene. (Mikol 4:12).

MUNDU ANGATSUKA'TE MWA NCHIRA YA REYA MU MBINGU?

1. "Muhingye amiberere yenyu, mubeneimirira aMwatsi Mubuya." Arehingya miberere, ni bula mbu ifulukana iranyuma kwe'kenga ntsambi ne'y iramwa Ongo.

2. Ihikira Ninakuwetu Yesu. Ihikira Ninakuwetu Yesu mwa mahemo, ngakuno ko uli kuuma na mutsio wawe wa santsambi. Ni wamuhema mbu akushasire. Abulaa mbu, "Nitendehentsa yahika ira niri." (Yoh 6:37). "Muhike yoniri mweboshe mwemutamire ne'heka mitsio mitsito, nani nikabatamula." (Mt 11:28).

3. Ilinihira Yesu Kirisitu yewene kubwishi bwa buufulo bwawe. "Ashiama ya Yesu, Muala wa Ongo inatuhotsa santsambi setu soshe." (1 Yoh 1:7).

4. Endekuha buingo buhya ... abuingo bwa biro byoshe. Kirisitu abulaa mbu, Yaumpfa kinwa kyani, na yaimirira yanitumaa, uyo ali na buingo bwa biro byoshe. Uyo atibachirwe lubancha. Wetuwe endeba ni ametsuka mwa lupfu ne'ya mwa buingo. (Yoh 5:24). Amundu ni angaba akeba mu Kirisitu, amundu uyo ni ameba kibumbwa kihya, abinwa bya kwa mira ni byametsuka; tsene abinwa byoshe ni byameba bihya."

5. Mwedeba na buholo na mwinihiro. "Twametunganyanyibwa mwa bwimire, ni tuli na buholo kuuma ne Ongo mu Ninakuwetu Yesu Kirisitu." (rom 5:1).

"Na kano ko kaliho. Ongo yatuhaa buingo bwa biro byoshe, na buingo ubo buli mu muala.

Yali ne Muala ni ali na buingo. Nabaandikiraa binwa ibyo kwebula mbu mumenye ku muli na buingo bwa biro byoshe.” (1 Yoh 5:11-13).

ABANDU BANGABAHO BATE MWA BUINGO BUHYA?

- 1. Uneresoma Bibulia buli lwire.** Abibulia kyaka kya mwa nchira yetu na biryo bya mwete wetu. “Ngakuno nholyana, mutsiire kutsibu mabere makomire ma kinwa kya Ongo, momakendetuuxukya mwa buufulo. (1 Pet 2:2). Mwa mango ausoma Bibulia ni wahema Ongo mbu akuendye nekuiisa mu Mutima Komire.
- 2. Sheera he Ongo ali mu mahemo ma buli lwire.** Ni wahema mwe’tsina raYesu. “Mutaubahaa wetuwe mwa byoshe ni mwabwerekya Ongo amihita yenyu mu mahemo na mu iheraherera, hauma nesima, Na buholo bwa Ongo bobulengitse kintsi bwenge, bwendelanga myete yenyu na mianikire yenyu mu Yesu Kirisitu.” (Ef 4:6-7).
- 3. Ishambala na bandi bandu ku luenda Yesu.** “Enda mwa mwawe, endera na banyakyenyu, upfulirebo abyoshe byo Ninakuwetu akukoleraa na kwakupfiraa bwoncho.” (Mk 5:19).
- 4. Mwa mango wameerekwa ni wabirangira Ninakuwetu.** “Na kubwishi anubaa yewene mwa mango aerekwaa, kubatyo angaala iasa bobaerekwa. (Ebur 2:18).
- 5. Wametoera mwa ntsambi, ni waikirfitsato chub a.** “Tukeikiritsa santsambi setu, iye weinihira na wetunganana kwetushashirato.” (1 Yoh 1:9).
- 6. Ereka iibumba kwa bandi bandu bobaimirire.** “Uno wo muomba wani mbu, mutsiirane mwenabene ku monab ene nga konabatsiiraa.” (Yoh 15:12).
- 7. Muumpfire Ongoho.** Amundu akenitsiira, niatsimba kwa kinwa kyani (Yohana 14:23).
- 8. Utaubahaa, kureba Kirisitu ali kuuma nawe.** Ongo yewene abulaa mbu nitibalinde nakusia, nekulikulira kiro na hake (Ebr 13:5).
- 9. Uikomye kushe kushe ku Ninakuwetu Yesu Kirisitu.** Umulike aendye abuingo byawe nga kwashashire, mwa kuli wendebe na bubyaa. Ninakuwetu Yesu Kirisitu ye Muupfitsi mubuya. Iye ye byoshe byolaireko!

Le livre du “Coeur de l’homme” peut être obtenu en plus de 500 langues et dialectes parlés dans le monde entier, à savoir: Afrique, Amérique, Asie, Extrême Orient, Europe.

Nous vous invitons à nous contacter pour faire des arrangements concernant de nouvelles traductions de notre littérature nous informant de la langue dans laquelle vous pouvez traduire cette littérature évangélique. Votre aide sera beaucoup appréciée.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za
ALL NATIONS GOSPEL PUBLISHERS
P.O. BOX 2191, PRETORIA, 0001, R.S.A.
(Une Mission de Littérature évangélique financée de dons)
(Reg. No. 1961/001798/08)